

司馬文正公

彙集卷第八

後學桂林陳弘謀重訂

律詩三

感興寄聶之美

平生百無可強爲一官縻世味偏予薄
心期獨子知林猿愁玉瑱
攔馬患金羈年事今華髮
求榮欲爲誰

和江鄰幾金鈴菊

何處見佳菊秋風汶水陽
酒浮金鐸細露泛蜜房
香不謂紅塵地相逢
君子堂依然故人意不減
舊芬芳

寄清逸魏處士

鄉樹三搖落臨風歌式微
徒嗟俗緣重端使素心違
茅

傳家集卷八

律詩三

閣杉松冷山園藥草肥
不能如海鷺歲歲一西飛

贈清衍

我厭俗緣苦空爲薄宦牽
如師真達者於世亦超然
敝笠衝塵陌寒雲擁雪天
崎嶇遠相顧深愧此心專

夢穉子

窮泉纖骨已成塵幽草閑花
二十春昔日相逢猶是夢
今宵夢裏更非真

二月二十四日館宿興宗舍後桃花盛開偶書

牖上

金馬春寂寂穠桃隨意開
夕風零落盡不待主人來

二月十日與同舍宴李氏園晚歸馬上賦詩

門前蹀躞金羈滿坐上連翩玉學飛數尺遊絲留客醉
一行垂柳送人歸同邀勝友寺難得重到名園花已稀
莫惜芳辰賸行樂無端風雨橫相違

和宋次道西都元日懷不疑并見寄

露冕優分竹題輿佐畫圻比年攜手樂茲日賞心違齋
祀春來併娛遊別後稀誰憐從宴卒草際犯寒歸

酬次道板橋晚望見寄

春來曾約醉河橋深負垂楊千萬條今日都門相望處
西風亂葉正蕭蕭

雙井茶寄贈范景仁

傳家集卷八 律詩三

二

春睡無端巧逐人驅訶不去苦相親欲憑洪井真茶力
試遣刀圭報谷神

正月二十四日夜雪

疊瓦浮輕雪參差粉畫難苦欺初變柳故壓未生蘭夜
色微分白春容不受寒即為花卉奪猶得暫供看

酬不疑雪中書懷見寄

校理邵必

直道免三黜敢云羞小官盤餐紅粟澀衣桁黑貂寒書
府容身易侯門曲意難荆扉盈尺雪有客問袁安

答師道對雪見寄

直講陳洙

陰風一夕驚曉雪滿都城氣覆千家白光連萬象清戀
空飛不下弄舞相縈歷亂看無定飄飄轉未成綴垣

時缺剝壓竹竿傾細隙過無滯寒牕拂有聲園林勻
結綠觀閣巧彫瓊草木情先喜乾坤意亦榮營魂頓疎
健病目慙虛明郢曲高誰和羞將叩缶并

苦雨

積雨欲侵旬朝晡漫不分蒼涼微露日慘澹已生雲地
半成泥滓天應厭垢氛時聞度鶴鵠空外自爲羣

酬師道雪夜見寄

玉樹交橫雪後天銀河沈著斗欄干筆峰微結冰絲澀
燈暈初成花燼殘太學先生羶苦薄公車倦客履仍單
欲吟佳句到清曉夜寂愁聞金石寒

昌言有詠石髮詩三章模寫精楷殆難復加僕

傳家集卷八

律詩三

三

雖未睹茲物而已若識之久者輒復強爲三詩
以繼其後非敢庶幾有差適足爲前詩之輿臺

耳校理石揚休

萬古風濤浸石巖老苔垂足細鬢髮傳聞海底珠無數
何事從來散不簪

金闕銀城仙客居欲傳消息問麻姑蓬萊無物堪爲信

翦寄蒼龍一握鬚

琅菜來從若木邊

西風傳有碧落之琅菜

非膏非沐綠宛延玉盤

委積羞嘉客不是陶家無饌錢

錢子高有徐浩詩碑石昌言借摹其文甫及數

本石有微蠹懼而歸之子高答簡有碎珊瑚之

戲昌言以詩贈子高同舍皆和司諫錢彥遠

徐公精筆老生神石刻猶能妙奪真幾爲通書翻喪寶
愈令好事惜傳人鋒鋌半折猶能健圭璧微瑕自足珍
直使盡隨如意碎石家玉樹未全貧昌言家圖書所收最多

又和雪霽

南宮來幾時挾纊易春衣意謂花將晚何言雪尚飛夜
聲通旅枕曉色弄晴暉繼日勞王事離離鴈已歸

又和二月五日夜風雪

春風正豪怒夜雪復飄揚勿使羈愁亂自知清興長簾
疎聲浙瀝燈冷暈微茫此夕牛衣客成名不可忘

喜范景仁直秘閣

傳家集卷八律詩三

四

延閣屹中天積書雲漢連神宗重其選國士此爲偏夫
子岷嶓秀聲名俊造先清標峻不極勝氣駛無前待價
猶懷璧臨岐首著鞭介推不求顯張季久方遷玉檻鉤
陳上丹梯北斗邊帝容瞻日角閣有大宗聖容宸翰照星躔職
秩曾無貴光華在得賢公卿殊未晚尚少買臣年

和伯鎮再入館

甘泉獻賦人流落浙江濱自歎三年謫歸來萬事新銓
衡時進對戶牖日相親明主方思賈非徒問鬼神

雙竹詩

上苑通丹禁脩林繞玉堂周阿紆鏤檻並榦擢新篁蕭
灑駢瑤甃連翩拂壁璫虬騰雙角直鯨噴兩鬚長曉泊

煙華重晴留雨氣涼分音成律呂齊秀待鸞鳳碧借雲霞潤清依日月光物情知有謂天造固無方比節羣誠合虛心至道彰吾君愈勤德不敢有嘉祥

秦人

楚旗獵獵蓋山紅回首咸陽一炬空惆悵秦人虛用意幾年辛苦得山東

山頭春色

天意欲迴胸羣生稍鬱蒸平田猶未徧絕嶺獨先升翠色添崖柏寒聲折澗冰誰爲物外友挈手共同登

和子淵除夜

緹室重飛玉瑄灰物華全與斗杓回依依殘臘無情別歷歷新春滿眼來強取酒巵浮翠柏懶開粽葉覓楊梅男兒努力平生志肯使功名落草萊

和子淵元夕

神嶽嵯峨闕角齊銀蟾無影玉繩低風傳絲管交加發燈晃星河上下迷清醴橫飛金鑿落香塵不染錦鄣泥誰知此夕齋祠客近在宮城槐柳西

冬夜

冬夜何其永寒光四泐寥鴈橫星歷歷人靜漏迢迢破屋霜應重荒庭雪未消不眠何所念達曉思無繆

答劉遠父謝龐公惠炭

東郭先生履半穿禦冬深愧主人賢應憐道上雪欲積

意使爐中灰復然麴蘖暗添寒酒力圖書共免濕薪煙
茅齋斗似饒光彩客至何憂臘後天

興宗邵亢許菊久之未得

菊栽許送定如何庭下不堪秋草多九日無花更無酒
便攜蒸杖直相過

得菊栽并詩

黃花小塢和煙斲野興蕭蕭已相逐同來更得兼詩句
久立看詩忘栽菊

和同舍對菊無酒

黃花倚秋色曄曄爲誰開更使窺殘榼空令洗舊杯
香行繚繞撚藥立徘徊盡日柴門外白衣來不來

傳家集卷八

律詩三

六

聶之美訪及不獲展奉以詩爲謝

昔君來闕下定館必吾廬今者雖相值依然是索居美
館於僧舍不堪休沐少便使往還踈深愧原思巷空迴長者
車

蘇門先生

長嘯蘇門石行藏世莫知道遙心迹遠寂寞姓名誰鄉
在無何有時方不可爲麒麟本神物安得係而羈

和冲卿喜雨偶成

萬里風隨快雨來塵昏消伏早光開物情濯熱參差喜
天意爲仁容易迴簾映薄寒燈有暈牕含虛白麝成煤
君侯雅有江湖興蕭灑何須氣象催

寄贈致仕劉都官

諷。張元常云諷年六十二致仕夫婦皆徙居簡州賴山

中有二子皆有官其一登進士第諸孫皆好書

星郎年未至辭祿一何高目瑩棲靈氣眉疎出秀毫曾
中自有樂身外盡徒勞回首紅塵地紛紛笑我曹

解紱沲江外誅茅井絡邊老萊夫婦隱韋孟子孫賢浮

蟻邀旁舍蹲鴟種薄田不須親几杖想望已蕭然

范景仁詩

云移家尚恐青雲淺隱几唯知白日長朱公
韓詩云疏草焚來應見史橐金散盡只留春

和吳省副

中復字仲庶

梅花半開招憑由張司封飲

伯玉字公達

帝鄉春色嶺頭梅高歷年華犯雪開正與嘉賓思共醉
不須芳物重相催從車貯酒傳呼出側弁簪花倒載迴

傳家集卷八

律詩三

七

風雨難期王事劇未知休沐幾旬來

依韻和仲庶省壁畫山水

畫工執筆已心遊稍稍蘅峯引杜洲堆案煩文猶倦暑
滿軒新意忽驚秋天生賢者非無謂官遇明時未易休
正恐怒飛朝暮事丹青難得久淹留

太博同年葉兄

紆以詩及建茶為貺家有蜀牋

二軸輒敢繫詩二章獻於左右亦投桃報李之意也

意也

聞山草木未全春破類真茶采擷新雅意不忘同臭味
先分疇昔桂堂人

西來萬里浣花牋舒卷雲霞照手鮮書笥久藏無可稱

願投詩客助新編

七夕不寐呈諫長樂道龍圖

雨氣生煙暈霜寒入漏聲疎籬過螢影腐葉掩蟲鳴
邱壑違初願簪裾徇外榮丹心終夜苦白髮詰朝生
恩與乾坤大身如草木輕何階致明主垂拱視升平

始平公以光得免使北賜之以詩謹依韻酬和
皇華將命得人難專對非才輒自言幸免驅車涉沙漠
尚容載筆侍宣溫不唯羞屈穹廬膝無奈常遊魏闕魂
袞職區區未能補何時餘論奉清樽

孟嘗

冠蓋盈門意氣豪海魚兼雨未充庖歸來散盡三千客

傳家集卷八 律詩三

八

方悟時人市道交

喜李侍郎

東之得西京留臺

賤子何爲者栖栖今二毛滄波浮片葉大塊載秋毫
利物何補營身身已勞羨君遺世網脫屣一何高

始平公新作雙樗庵命光爲詩

閒氣生王佐多才秉國鈞棟隆憑杞梓節勁仰松筠
底績承平業遺榮壽考身結廬依散木退讓樂天真

忝職諫垣日負憂畏緬思雲夫處士老兄蕭然

物外何樂如之因成浮槎詩寄獻以抒鄙懷

秋水浮槎客漂如一葉輕鷗羣須仗信鯨口幾忘生
耿天津闊滔滔海浪驚何時還故土懷楫問君平

奉和何濟川代書三十韻寄諸同舍

金馬延羣雋芸香聚衆書
杳疑神境絕深與世塵疎
氣逼煙霄爽光分日月餘
不才叨誤選故友幸聯居
雲蓋森朝騎天閣謹契魚
後先陪買馬左右揖嚴徐
朱閣霜清外璇題日上初
辭林精采擷藝圃縱遊漁
決勝楸枰暝窮歡綺席舒
朝昏升紫闥咫尺待彫與
玉壘俄鄉思銅符忽詔除
綵衣承几杖華輶照園廬
四郭柎垂蔭千脰稻散渠
壺漿迎露冕鏡吹擁高旛
有德能仁虎無欺恥怒狙
道塗繁揖讓犴獄絕淪胥
滯穗棲場圃鳴杼靜里閭
貧寧費官燭饑不如家
蔬翁子懷青綬文園駕赤
車古今相與校勝負定何
如上正開宣室人方誦子
虛

傳家集卷八

律詩三

九

追鋒行入謁委佩復傳臚
撫已聊晞驥臨民遽起予
居然耗廩祿豈不愧簪裾
鵝翼顏何厚錐囊意未攄
因循戀糠粃汨沒老塗淤
自顧徒爲爾誠非益者歟
俄承呂公檄遂策阮生驢
驛騎傳巴徼詩筒達魯墟
琳琅固無價燕石敢沽諸

和始平公貽一二賓僚

儒冠藹藹從平津東閣由來盛
衆賓終始何嘗忘教育
高卑曾不閒疎親共陪樽俎
無虛日空喜谿山得主人
白雪屢歌殊未和自知羞愧
後車塵

留客

酒煙漠漠自生春
舞袖飄飄拍拍新
須信客歸絲竹散

清風白月解愁人

和始平公長句寄漢州何學士

勢交倏忽易蕭條賴有伊人尚建標須信松筠凌雪茂
肯爲蒲柳望秋凋欽賢高館三年別廣漢專城百舍遙
書紙如雲詩叩玉數憑疾翼度青霄

何濟川有書見貽云以親老須守遠郡以便祿
養不得如光在主人幕下因以詩答

千騎駸駸簇畫輶高旌大蓋五驂駟齋中酒美連翩醉
湖上花繁爛漫遊雞犬相聞通故里旨甘不絕奉晨羞
只應朝夕平津閣得向君前立勝籌

二月十一日與一二僚友遊叔禮園亭以詩戲

傳家集卷八

律詩三

呈

下馬久徘徊林葉殊未開春風真有意須待主人翁來

十四日小園置茶招宗聖應之皆辭以醉爲詩
贈之

草樹弄春暉家家倒載歸誰憐獨醒客日暝掩雙扉
同僚有獨遊東園者小詩寄之三首

車馬東城路芬芳數里塵風光不相待愁殺未遊人
咫尺東園樂無如簿領何春風連夜惡聞道落花多
城樓傳晚鼓稍稍訟庭稀起拂衣中土還乘款段歸

小詩招僚友晚遊後園二首

五陵年少競春暉肥馬銀鞍白玉羈何似松閒者新茗

更來花底覆殘棋

麥田小雨隴微青草樹欣欣照晚晴花下客來醒亦好
猶勝閉戶過清明

小園晚飲 賦得春字

公府豐暇豫真成棄擲春招邀俱勝友爛漫醉芳辰花
艷穠無敵文鋒健有神猶勝擁朱墨終日坐埃塵

李花 得韻同前

嘉李繁相倚園林澹泊春齊紈翦衣薄吳紵下機新色
與晴光亂香和露氣勻望中皆玉樹環堵不爲貧

東牕

臨風梳短髮蕭颯晚涼新不識市朝客何如江海人沈

傳家集卷八 律詩三

十一

吟憑棊几敵側帶紗巾濁世事無盡東牕聊放神

奉和始平公酬大資政吳侍郎

道盛經綸業文高翰墨場雍容偃藩地密邇釣璜鄉回
首紅塵遠清心白日長山形抱城堞堞影照公堂把檉
干滕碧芙蓉萬頃香跨波橫略約遍地亞篔簹大埜禾
麻溢高齋几席涼夔龍屢賡唱東壁正垂光

晚行後園見菊戲宜甫

野菊荒無數班班初見花徑須求一醉試遣問東家

野菊

野菊未嘗種秋花何處來羞隨衆草沒故犯早霜開寒
蝶舞不去夜蠶吟更哀幽人自移席小摘泛清杯

秋夜

城上調秋角煙閒發暝鐘風枝搖宿鳥霜草覆寒蛩久
負觀書樂端愁束帶恭慙因羣吏散還得遂幽慵

再呈宜甫

西家壺已倒次第向東鄰朱戶如堅閉黃花惡笑人

宜甫家有金鈴菊客未之識因代菊贈宜甫

主人倦邀客寂寞委蒼苔此日開無益明年不復開

深夜

疎星映戶月流天羣動收聲四寂然嗟爾寒蛩怨何事
悲吟徹曙亦無眠

奉和始平公喜聞昌言修注

傳家集卷八 律詩三

十一

鳳口除書下九闈簪紳拭目仰殊恩曉提麟筆依華蓋
日就螭坳記聖言桃李新陰方藹藹驂騮老至更軒軒
主人喜見相如達趣召鄰枝洗玉樽

光與昌言俱出始平公門下昌言時

十年五

秋雨蕭條聞宗聖案伎應之飲酒詩呈宜甫

寒風細雨未晴天密似輕塵薄似煙一室獨吟圖史亂
四鄰高會綺羅鮮鴈飛斜柱絃隨指蟹薦新螯酒滿船
自笑不歌仍不飲昏昏只解枕肱眠

宜甫東樓晚飲

賓主俱歡醉高樓迥倚空形忘羈檢外酒散笑談中晚
市煙初白秋園葉半紅登臨不厭數朝夕是寒風

昌言謫官符離有病鶴折翼舟載以行及還修
注始平公以詩問之命光同賦二首

曾下青田啄玉苗泥沙病羽久蕭條謫仙不欲留塵世
依舊提攜上碧霄

相閣書傳紫闥深破緘先問九皋禽不令一物傷天理
仁愛方知真宰心

和聶之美重遊東郡二首

躍馬津亭未幾何宦遊容易十年過飄飄空似隨流梗
寂寞猶爲挂壁梭西嶺應餘當日翠南湖真減幾分波

之美云南浦比
舊水涸過半

輸君尚得飛征蓋重向春園聽舊歌

南湖重過正逢春官柳雖疎亦解新臺榭傾歆賓友散

傳家集卷八 律詩三

七

臨風愁殺獨遊人

大熱

山澤欲焦枯炎光滿太虛不知天地外暑氣復何如

夷齊

夷齊雙骨已成塵獨有清名日日新餓死溝中人不識
可憐今古幾何人

龍女祠後塘自生荷花數枝與史誠之更相酬

和

平湖漠漠芰荷稠水國芳春不勝秋空有棹歌人不見
晚風一曲去悠悠

越女行歌縱棹輕蒼茫別浦晚煙凝荷花折盡不歸去

激灩扁舟不易勝

荷底清漣照綺羅長安公子舊情多躊躇不去知君意
重唱吳音白紵歌

賀監家居逸興饒枝分鑑水闊容舸穿荷宜去邀漁叟
共醉船頭半榼醪

清江向晚採蓮稀獨倚蘭舟久未歸目斷可堪人不至
斜風細雨濕羅衣

素舸朱蓬青竹篙棹歌風散近還遙斜陽借問歸何處
家住水村郎姓蕭

別殿無人利自芳玉階朱檻繞金塘館娃寂寞無西子
羞與吳宮競曉粧

傳家集卷八 律詩三

十四

贈楚法曹叔度

夫君能直節不恥掾曹輕道果因時屈官無當已榮松
杉雖偃蹇霜霰苦崢嶸會有良工識終觀大器成

寄楊州侯都監仲倫

木落淮南樹秋風日夜高月臨揚子渡雪卷廣陵濤不
得同蕭散何因破鬱陶空憑尺書速未解夢魂勞

感懷

昨日春冰破水邊今朝臘雪墜風前歲華過目疾飛鳥
壯志如何不著鞭

之美舉進士寓京師此詩寄之

結髮聲華盛無疑屈未伸何妨久垂翅從此欲驚人鷹

擊天風壯鵬飛海浪春行當解故褐不惜化京塵

風雨數日不見叔度晚約公明共詣之

雲雪連朝闇朋從歎坐違臨文與誰共開卷爲君稀趣
掃六花散聊通一徑微當攜兔園賦同映讀書幃
南榮卮酒罷君返道東居坐作三朝別杳疑千里餘開
門嗟雀網深潭怯柴車向晚開簾喜彤雲稍覺疎

贈吳之才

勝冠自立艱難裏大器由來貴晚成松柏儻非生磊落
巖崖何易出崢嶸蘇秦遊困羞妻嫂主父居貧厭弟兄
六印佗年擁車騎會須重過洛陽城

寒食許昌道中寄幕府諸君

傳家集卷八 律詩三

十五

原上煙蕪淡復濃寂寥佳節思無窮竹林近水半邊綠
桃樹連村一片紅盡日解鞦韆山店雨晚天回首酒旗風
遙知幕府清明飲應笑驅馳羈旅中

和叔度獨登天臺水亭

郊外靈潭闊新亭占曲隄戲魚迎墜絮驚雉出荒蹊綠
倒楊梢亂光翻芰葉齊雨餘纖月偃野迥斷雲低水氣
常噴薄天風助慘悽何知塵外境近在郡樓西

喜孫器之來自共城

取友不無人愛君天性真遠尋窮巷宅未拂滿衣塵主
禮貧尤重交情別更親誰家釀醇酒盡醉準衣巾

和聶之美厲

汲汲復栖栖往來誰與期映雲纔可見入霧杳難追
羈枕夢初斷寒閨涕已危冥冥遠繒繒愧爾獨知時

送王太祝

豫知伊闕

百里驩迎新令賢儒經吏術盡家傳天開嶺阜竦雙闕
地雜桑麻隘一川錦雉馴飛春陌上雪鳧高去夕嵐邊
長才久屈君無限所惜斯民受賜偏

司馬文正公傳家集卷第八

蘇州府學教授浦起龍校字

傳家集卷八

律詩三

十六

司馬文正公傳家集卷第九

後學桂林陳弘謀重訂

律詩四

和何濟川漢州西湖雜詠十七首

清風臺

太守金閨客天朝應對才非因版輿戀寧駕使車來水
鑑秋毫盡霜鋒錯節開清風徧千里不獨此高臺

竹月亭

燈火動魚磯湖邊過鳥稀孤蟾久未上五馬不成歸長
嘯風生座高吟露滿衣閑情無日厭岸幘對清暉

藥圃

傳家集卷九 律詩四

三蜀膏腴地偏於藥物宜小畦千種聚春雨一番滋山
相慙多識桐君未徧知他年似胡廣養壽復扶衰

竹塢

二何迹相繼竹塢日陰森濟川詩注云前守何修撰欲
不伐西湖竹予亦遵之識養民意先觀愛物心低垂樽俎冷密映管絃深勿怪
湖光少年來碧影侵

射棚

疊鼓花前急紅旌竹外高驚廳分白羽餘響振烏號壯
觀傾春陌謹聲涌夜濤因茲刑禮俗豈獨事遊遨

玉徽亭

房公昔漂泊置酒此鳴琴人事有憂樂山光無古今風

流俱寂寞結構尚蕭森松竹含虛籟猶疑絃上音
書樓

使君有書癖記覽浩無涯况此孤樓迴端無外物譁橫
肱歌曲几搔首落烏紗此趣人誰識長吟牕日斜

朔會堂

朔旦集僚吏茲堂簪組繁舞空孤鶴下映目兩鳧翻花
散東方騎萍浮北海樽須知太守貴鏡吹引朱輪

浮觴亭

曲水華棖下浮觴去復還浪搖花影碎日射酒缸殷滅
沒遙尋客徘徊怯度灣窮歡不知醉清泚照心顏

清燕亭

傳家集卷九 律詩四

二

波澄蔭羣木永日湛清華碧篠靜秋色白蘋低晚花松
聲工醒酒泉味最便茶外事付丞掾無妨風景嘉

流芳橋

橋下流芳度餘春日夕催呼人洗樽竿招客藉莓苔倚
柱時流滯隨波乍往迴仙家如不近安得此花來

曉景亭

簾櫳分曉色遠樹子規啼濃露侵衣冷晴煙壓水低神
遊靈境健身入畫圖迷衙吏無煩報河洲鷺正棲

假山

廣漢土平遠已嫌邱壑踈呼工刻巖洞應手出庭除縹
渺神仙宅嵌空虎豹居人功與天力秀絕兩何如

探花橋

橋邊春意近五馬屢徘徊湖水旦暮綠林花早晚開道
因嘗酒到又爲賦詩來借問雙華表經過日幾回

樂軒

繁絃凝綠水疊鼓摻漁陽風結舞初急塵飛歌正長鳥
鷺爭上下棟宇爲低昂太守且安坐新聲未遽央

坐船

使君張皂蓋高宴碧湖心苒蒨牽菱蔓夷猶泊柳陰晚
風侵坐冷春浪沒篙深倒載歸何晚波間夕照沈

枇杷洲

周官斂珍珠

場人掌國之場圃而樹之果旅珍異之物以時斂而藏之鄭康成曰珍異蒲桃枇杷

傳家集卷九

律詩四

三

屬之漢苑結芳根

初修上林苑羣臣遠方各獻名果異樹有枇杷十株

何意荒洲上

猶餘嘉樹存犯寒花已發迎暑實尤繁願逐蒲萄使離
宮奉至尊

寓泊鄭圃寄獻昌言舍人

旅食緇衣館飄蓬况自迷樹橫寒霧遠山隱古原低愁
暮空庭雀驚晨別墅雞故人何處在依約玉繩西

奉和始平公憶東平二首

相印東臨汶水陽兩看春葉與秋霜登山置酒延鄒湛
上馬回鞭問葛強谿竹低垂寒滴翠露荷相倚淨交香
宵衣深念長城固肯得從容傲醉鄉

千巖秀色擁晴川萬頃波光上下天委地魚鹽隨處市

蔽空桑柘不容田
訟庭虛靜官曹樂
儒服寬長邑里賢
不爲從知方負羽
獨乘魚艇老風煙

和運使舍人北園餞別行憇三交僧舍冒雪宿
百井關見寄

驪駒北上雪屣顏
羈矢前驅度漢關
僧室松杉清照眼
驛亭煙火迴依山
馬銜邊草枯猶瘦
鴈怯胡雲冷未還
賤子不須回首問
鬢毛蕭颯簿書閒

又和留題定襄驛

按節羊腸阪塞帷
並塞州仁風熙愛
日清德凜高秋甘
澤隨征蓋華星近
戍樓他年叱馭事
直筆寄歆彪

又寄獻

傳家集卷九 律詩四

四

承明共直廬瞬息八年餘
幸託屏星駕前迎使者車跡
雖殊貴賤心不置親踈
青眼披情素猶如相見初

自嘲

英名愧終賈高節謝巢由
直取雲山笑空爲簪組羞
浮沈乖俗好隱顯拙身謀
惆悵臨清鑑霜毛不待秋

讀穎公清風集四首

伊臯垂訓皆王度
周召陳詩盡國風
非獨立言方不朽
相君功業自無窮

人生百歲隙中光
唯有高名久不亡
千古但令編簡在
清風養物一何長

佳城鬱鬱閔英靈
幸有文章見典刑
開卷未終雙袖濕

目前髮髯對淵庭

一言華袞足爲榮况託文編久愈明鄒湛不逢羊叔子

世間何處復知名

公集有遺
光詩數章
國賓梁
公之孫

贈狄節推
天馬雲孫在終然骨相奇泥塗辱雖久霜雪志難移白
髮無嗟老青衫莫厭卑爲山已九仞高節肯中衰

感春

積草滿春庭衡門永晝扃波頭何事白柳眼爲誰青榮
落浮雲度悲歡熟醉醒繁華非我物隨意任飄零

不寐

四遠寂然羣動收只餘嚴鼓度坊樓無由更續三更夢

傳家集卷九

律詩四

五

何處飛來一點愁

雜

羽短籠深不得飛久留寧爲稻梁肥膠膠風雨鳴何苦
滿室高眠正掩扉

皇祐二年謁告歸鄉里至治平二年方得再來

愴然感懷詩以紀事

十六載重歸順塗歌式微青松蔽廬在白首故人稀外
飾服章改流光顏貌非巫咸舊山色相見尚依依

辭墳

嘉祐元年通判并州因公事至絳私歸
拜墳不敢至夏縣而去於今年矣

十年一展墓旬浹復東旋豈負襁褓愛橫遭章綬纏更
來知幾日遺恨恐終天慟哭出松徑悲風爲颯然

謁三門禹祠

信矣禹功美獨兼人鬼謀長山忽中斷巨浸失橫流迹
與天地久民無魚鼈憂誰能報盛德空爾薦醪羞

鼎鼐青崖裂喧豗白浪豪客舟浮木葉生理脫鴻毛柏

映孤峯短

水際孤峯甚細而高上有小柏者舊相傳不知幾何年矣而止長尺餘人莫測其理銘

書絕壁高

唐太宗刻銘砥柱之陰魏鄭公撰字幾盈尺殘缺僅可讀河師不耕織容

易戲風濤

遊三門開化寺

山石古來色河流無盡聲行船自往返羣木幾枯榮狂
象調難伏空華滅復生我來何所得聊此濯塵纓

三月十五日宿魏雲夫山莊

二首

傳家集卷九

律詩四

六

先生嫌俗賓猶與故鄉親不惜煙霞地暫容縑鎖身林
廬深有徑雞犬四無鄰菽菽闍花墮蒼蒼古柏春飯炊
松粒細盤采蕨芽新靜覺精神健閑知氣味真谿泉冷
毛髮山翠濕衣巾竹色消醒易林聲破夢頻客輪來去
轍驛路古今塵明日空回首白雲應笑人

聞道山家門鎮開獨驅瘦馬出塵埃白雲明月先無約
何事今宵亦此來

留別逢吉

君念承明臭味稀相逢惜別重依依會稽太守方坐嘯

東郭先生還步歸

嚴助朱買臣皆為會稽守東郭先生孝武時待詔公車

樂飲林

塘留節物餞行里舍動光輝雙旌迴去行人發一帶長

臯煙雨微

陝城桃李零落已盡破石山中今方盛開馬上
口占

西望飛花千樹暗東來芳藥一番新行人不惜泥塗倦
喜見年光兩處春

自澠至洛循穀水行百餘里

已煩穀水遠相送更得嵩峯遙見迎水碧峯青看未足
却愁前到洛陽城

田橫墓 在偃師西

昔時南面並稱孤今日還爲絳灌徒忍死祇能添屈辱
偷生不足愛須臾一朝從殉傾羣客千古生風激懦夫

傳家集卷九 律詩四

七

直使強顏臣漢帝韓彭未必免同誅

登平陸北山回瞰陝城奉寄李八文學士使君

二十二韻

漢家二千石體望向來尊况復嚴徐客從前益稷孫公
侯貴不絕禮樂器長存符竹臨分陝聲光應列藩親聞

先契重 三司同僚 子舍近交敦 滑州同幕 柏壟依仁域棠陰接故

園懷歸聊露請予告辱推恩荷役煩疆候停車下郡門
帷幄紛大館騶騎屈朱轡不以黎苗待還將臭味論森

羅牢禮重滅裂俗儀煩霜霽威嚴息春生笑語溫草微
侵碧甃塵不染華軒日影搖雲棟風痕過玉樽落塵歌

迴出激楚衷雙翻雅戲象交局珍看熊薦蹠河梁俄首

路汾曲訪吹埴舉手辭雙戟騰裝改北轅烏飛城樹曉
鴈泊野蕪暄耿耿清標闊泠宿酒昏百蟠縈阪道數
里豁川原跋馬風煙外依稀鼓吹喧

員村坂

其東入政水即古之傅巖有傳說
廟又東北虞城古虞公之國也

穹谷鬱盤紆河瀕陝北隅泉流涓不絕岡勢儼相扶初
旭紛高下空煙似有無石灘醒耳快嶠樹窳雲孤天霽
嵐光活人稀草色蘇牧兒歌自若樵子遠相呼壞道傍
連傳空城右指虞窮巖今寂寞蔓草只荒蕪野店寒餐
澀山程瘦馬瘠物華供興趣亦足慰崎嶇

頃為諸生常受經於錢文學賦於張文今迺叨

忝同為侍臣蒙錢文置酒張文賜詩愧悚之深

傳家集卷九

律詩四

八

言志為謝

疇昔勝冠日曾為絳帳生九言聞善教一顧得虛聲不
意叨嚴近於今接老成寧須詩酒賜侍坐已知榮

次韻和韓子華寒食休沐與諸公同會趙令園

暮歸馬上偶成

冠蓋連翩陌上來風光爛漫擁樓臺玉卮貯酒隨宜飲
綺席尋花觸處開小雨前宵先潑火季春明日又吹灰
須知勝集人間少惆悵金羈容易迴

景仁召遊東園馬上口占

適野自可愛况逢佳主人馬穿官柳影衣拂帝城塵物
外誰知樂樽前別有春年華已消歇歷歷見松筠

贈河中通判朱郎中

壽昌侍郎巽之子澹樾中母劉氏被出壽昌長而訪之不能得熙寧中知廣德軍年五十三乃乞尋醫身自訪求得於同州爲民黨氏妻迎以歸奏授封邑壽昌揚州人以其母子孫俱在同州故折資通判河中

陟岵今將老扶牀昔未行
旨甘無所展朱紫不爲榮
里巷傳呼入比鄰失涕驚
方知貫金石何以易精誠

蘇才翁子美有贈扶溝白鶴觀黃道士詩紀于屋壁歲久漫滅今縣宰周同年得完本於民間
抵予求詩

潦倒黃冠無足論
白頭嗜酒住荒村
狂名偶爲留詩著
陳迹仍因好事存
金石鏘洋虛殿寂
龍蛇灑落古墻昏
飛黃滅没浮雲外
疲馬何能望駿奔

傳家集卷九

律詩四

九

長垣道中作

極目王畿四坦然
方輿如地蓋如天
始知恃險不如德
去殺勝殘已百年

再使河北

桑麥青青四月初
皇華使者又脂車
爲臣豈得辭王事
只向金鑾坐讀書

河北道中作三首

綠柳陰中白浪花
河邊日日暗風沙
解鞍縱馬悄無事
隱几看書隨處家

河勢東廻今幾年
濃陰滿目盡桑田
川原變化無終極
一氣不爲常寂然

原上纍纍古冢高昔時意氣盡賢豪斷碑名姓已磨滅
永日東風吹野蒿

夜發長垣

長塗暑氣劇永日卧郵亭晝伏如墻鼠宵行似野螢歇
鞍沙月白拂面柳風醒歷歷瞻雲漢誰爲二使星

和景仁瓊林席上偶成

時康與禹玉景仁次道之子同時登科在席

念昔瓊林賜宴歸綵衣綠綬正相宜將雛雖復慰心喜
負米翻成觸目悲殿角花猶紅勝火樽前髮自白如絲
桂林衰朽何須恨幸有新枝續舊枝

早朝書事

太白明如李東方三丈高晨光孤照闕霧氣濕侵袍槐

傳家集卷九

律詩四

十

柳經霜慘驂駟得路豪素餐無小補俛仰愧金鰲

登長安見山樓

到官今十日纔得一朝閑歲晚愁雲合登樓不見山

和吳仲庶寄吳

瑛

比部安道之子壯年致政歸

隱蘄春

負米承親願已賒

遭母憂服除遂致仕

恥隨雞鶩啄泥沙一朝投

紱真高士萬卷藏書舊世家齒髮未衰非藥物山林不

返爲雲霞龐眉尚有郎潛者狗祿憂生直可嗟

別長安

鬢來還復去夢裏到長安可惜終南色臨行子細看

初到洛中書懷

三十餘年西復東勞生薄宦等飛蓬所存舊業惟清白
不負明君有樸忠早避喧煩真得策未逢危辱好收功
太平觸處農桑滿羸取閭閻鶴髮翁

和景仁題崇福宮

二首

歷歷山頭雪泠泠松下風樽中亦有酒恨不與君同
不獨山頭白人頭亦垂素積雪有時消青山色如故

早行

寒犬吠柴門荒鷄鳴遠村河聲空自急月影不曾渾木
末星猶白榛中露已繁客心獨惆悵四顧與誰言

酬終南閻諫議

見寄

齒衰心力耗揣分乞西臺微祿供多病閑官養不才
廬容嘯傲清洛伴歸來故友猶相念寒光生死灰

傳家集卷九

律詩四

十一

寄成都吳龍圖同年

照席燭花煖隨車劍騎寒江山資秀句風月助清歡政
簡坤維靜仁深井絡安行歌與獨酌豈得並閑官

花庵獨坐

荒園才一畝意足已爲多雖不居邱壑常如隱薜蘿忘
機林鳥下極目塞鴻過爲問市朝客紅塵深幾何

秋夜

浮雲一消散星斗粲長天浩露灑翠柏清香生白蓮體
涼猶衣葛耳靜已無蟬坐久羣動息秋空唯寂然

平日遊園常策筇杖秋來發篋復出貂褥二物

皆景仁所貺觀物思人斐然成詩

筇杖攜已久貂襜展猶新漸染岷山雪拂除京國塵危
扶醉歸路穩稱病來身賴此齋中物時如見故人

雲

晴空碧於水那得片雲飛映日成丹鳳隨風變白衣去
來皆絕迹隱顯兩忘機天理誰能測終然何所歸

閑來

閑來觀萬物在處可逍遙魚爲貪釣得蛾因赴火焦碧
梧饑鸞驚白粒飽鷓鴣帶索誰家子行歌復採樵

贈邵堯夫

家雖在城闕蕭瑟似荒郊遠去名利窟自稱安樂巢雲

傳家集卷九 律詩四

十一

歸白石洞鶴立碧松梢得喪非吾事何須更解嘲

花庵多牽牛清晨始開日出已瘁花雖甚美而

不堪留賞

望遠雲凝岫粧餘黛散鈿縹囊承曉露翠蓋拂秋煙嚮
暮非葵比彫零在槿先才供少頃玩空廢日高眠

花庵二首

誰謂花庵小纔容三兩人君看賓席上經月有凝塵
誰謂花庵陋徒爲見者嗤此中勝廣厦人自不能知

和楊卿中秋月

秋氣平分夜沈陰乍散天窺林初淡薄照席忽孤圓令
入詩毫健光浮醉弁偏嘉賓勿輕去桂影正娟娟

樂

吾心自有樂世俗豈能知不及老萊子多於榮啓期
緇袍寬稱體脫粟飽隨宜乘興輒獨往攜筇任所之

和邵堯夫秋霽登石閣

飛簷危檻出林端王屋嵩邱咫尺間獨愛高明遊佛閣
豈知憂喜滿塵寰目窮莽蒼纖毫盡身得逍遙萬象閑
暇日登臨無厭數悲風殘葉已珊珊先生冬夏俱不出

和河陽王宣徽

拱辰字君脫

九日平嵩閣宴集

九日英僚集千秋勝賞同飛橋貫河渚危閣壓霜風金
散黃花泛雷驚疊鼓通百峯高鳥外萬里寸眸中檻底
臨丹葉杯中倒碧嵩來雲低拂座去鴈遠沈空吹帽陪
遊阻搖旌結想叢風流免堙滅鄒湛倚羊公

傳家集卷九

律詩四

十三

和任開叔觀福嚴院舊題名

墨蹤塵淡鬢華新猶喜重來值故人二十二年如轉日
洛陽不改舊時春

柏梯寺

鑿石開蹊峻登崖置閣危笑談空谷應步武白雲隨衆
壑如翻浪鄰州若布碁何當遂棲隱身世兩相遺

重過華下

昔辭蓮幕去三十四炎涼舊物三峯雪新悲一鑷霜雲
低秦野闊木落渭川長欲問當時事無人獨嘆傷

和李君錫惠書及詩勉以早歸

書意勤渠詩意新清如白雪暖如春西遊不盡谿山樂
策馬歸來就故人

和君錫雪後招探春

莫嫌微雪壓梅芽已有歸鴻泊浦沙天上詔來難久駐
直須早看洛陽花

又和早春夜雪

繁雲回夜色凌亂落春雲虛幌寒相襲華堂靜不聞玉
卮深可敵銀燭近微分誰念牛衣客窮經白髮紛

醉

厚於太古暖於春耳目無營見道真果使屈原知醉趣
當年不作獨醒人

傳家集卷九

律詩四

十四

雪寒取酒

雪意久未就寒雲低不收飄揚插孤幟迢遞映高樓試
假賢人濁聊攻客子愁呼僮攜小榼更準黑貂裘

留別東郡諸僚友

際日浮空漲海流蟲沙龍蜃各優游津涯浩蕩雖難測
不見驚瀾曾覆舟

白璧紫金爲世寶賢愚知貴莫能名廟堂祭器杯盤物
隨處得之光彩生

楚國良金百鍊精深藏求售價連城豈徒豐獄吹毛利
兼有秦臺照膽明

祖帳飄揚隄柳邊北來飛蓋復連翩追隨不忍輕言別

迴首城樓沒晚煙

空府同來賢大夫短亭門外即長塗不辭爛醉樽前倒
明日此歡重得無

追和張學士從沂公遊廣固城

蒼鵝集宋幕遊鹿上燕臺霸氣山河盡王師江漢來重
圍經歲合嚴鎖夜深開廢殿餘沙礫頽墻驚草萊清時
閒千歲良牧借三台獄市乘餘暇蕪城賦上才

去歲與東郡幕府諸君同遊河亭望太行雪飲
酒賦詩今冬罷歸京邑悵然有懷

疇昔追清景狂吟忘苦寒河冰塞津口山雪照林端健
筆千篇富醇醪一醉歡困猶揮落塵暝不顧歸鞍多事

傳家集卷九 律詩四

十五

光陰駛離羣會合難誰知塵滿袖今日客長安

貢院中戲從元禮求酒 太常博士畢田

顧我虛壘恥知君餘瀝多庭前有春雪如此薄寒何

石昌言學士宰中牟日為詩見寄久未之答今
冬罷武成幕來京師此詩謝之

昔年三月浪鱗翼化雲雷竹箭流俱上芙蓉幕對開 釋

昌言除同州推官漢泉揚沸渭秦華聳崔嵬捧檄容歸省

飛觴復屢陪 時先人知同州光以吏事 芬芳襲芝室嘉

慶侍蘭堦吳壁評殘筆隋碑讀漬苔 同州龍興寺即隋

德林撰碑國公吳道子畫畫或清陰依玉樹和氣樂春

未就而止云以俟後之能者臺薄宦俄成別私門忽遇災一朝捐綵服五載泣麤纒

季路還從仕任安獨見哀近畿須健令劇邑試長才過
目全牛解迎鋒巨擘摧雉留乘蔭伏蝗避境苗廻時得
鳴琴暇仍飛麗句來正知榮篋笥無足報瓊瑰統鼓俄
攀鄧安車已召枚賦成平樂館燕奉柏梁盃自顧誠驚
緩于今尚草萊履穿羞路雪蓋敞怯京埃儻借餘光便
炎風動死灰

昌言見督詩債戲呈絕句

學餒才貧杼軸勞踰年避債負詩豪倒囊不惜償虛券
未敵瓊瑤舊價高

靜夜

午夜空齋四悄然清寒透骨不成眠秋風故揭踈簾起

傳家集卷九 律詩四

七六

正漏月華來枕前

春

紅桃素李競年華周徧長安萬萬家何事青青庭下柏
東風吹盡亦無花

寄題陟岵寺

鄭南峯下寺前軒反景分明見渭川爲報十年容易別
於今愁悴不如先

寄鄭縣史令千之

前君爲白馬尉廨舍前即南浦今西溪封內勝地也

憐君比比得佳縣勝槩閑情雙有餘爲看西溪日沈後
何如南浦月生初

長春宮柳遠扶踈新樹應多舊已枯蠹柱苔墻徧尋歷

古亭猶有杜詩無

閏正月十五日夜監直對月懷諸同舍二首

霧淨金波溢天開碧幕空
夜寒雖料峭春意自融融
熠熠枝上露脩脩竹杪風
颯還林野興不似畜樊籠
澹薄春雲散低昂北斗橫
微分漢津鴈靜識建章更
濁酒憐虛爵高文憶友生前
軒空不掩悵息負孤清

鴈歸

亦知南國稻梁肥水滿春江
努力歸聞道楚人繒繳細
平沙短草盡藏機

司馬文正公傳家集卷第九

傳家集卷九

律詩四

十七

蘇州府學教授浦起龍校字

司馬文正公傳家集卷第十

後學桂林陳弘謀重訂

律詩五

贈祖擇之

人生榮與辱百變似浮雲自有窮通定徒勞得喪分消
愁唯有酒娛意莫如文方寸常蕭散其餘何足云

和宋子才致仕後歲旦見贈

開官逢獻歲拜揖亦紛然須信家居日方爲已有年劬
勞中外徧名迹始終全伯玉空搔首蹉跎愧在前

上元書懷

老去春無味年年覺病添酒因脾積斷燈爲目痾嫌勢

傳家集卷十一律詩五

位非其好紛華已久厭唯餘讀書樂暖日坐前簷

喜才元過洛小詩招飲

素髮各垂頰舊交相見稀不唯春物好况是錦衣歸洛

社凍醪熟詩注春酒凍醪也伊魴絲繪肥唐人諺曰洛鯉伊魴貴於牛羊南軒

已灑掃命駕不須違

仲庶同年兄自成都移長安以詩寄賀

蠶叢龜印解鶉野隼旗新借問錦江樂何如興慶春驪
歌遮去轍竹馬望行塵惠政如膏雨遙知彼此均

西臺詩二十四韻

翰苑昔陪侍天光辱顧瞻寵雖承渙汗功不立臺鏡山
鹿纓頻頓鈿刀礪不銛拭花眸子缺撚雪領髭添鬢影

慙尸素胡顏處禁嚴辭盈雖免戾取少詎因廉定鼎分
都異張官執法兼剡章愚懇盡出綽茂恩霑原憲非無
粟胡威尚有縑求田近灑洛買宅混閭閻地僻宜花卉
瓦勤付米鹽倦遊良足悔居吉不煩占裘葛膚無見困
倉飯屬饜僧居閑可借野步靜無嫌行藥筇枝瘦延賓
稻醴甜麥田泥試屐桑蔭帽低簷愛竹忙猶種貪書老
未厭松煙溪石潤檀燼博山尖牋啓來慵拆衣冠脫怕
拈紫毫斜倚架黃卷密垂籤涸轍猶蒙潤寒灰免附炎
所憂資秩滿但願歲時淹自是散無用非為智養恬聖
朝英彥富幸許一夫潛

和邵堯夫年老逢春

傳家集卷十 律詩五

二

年老逢春春莫吟朱顏不肯似春回酒因多病無心醉
花不解愁隨意開荒徑倦遊從碧草空庭慵掃自蒼苔
相逢談笑猶能在坐待牽車陌上來

和范景仁謝寄西遊行記二首

洛川秦野鬱相望風物山河舊帝鄉澗底逢人問樵徑
松間繫馬宿僧房恨無同好攜三雅共講前聞醉百場

李白詩痛掃鸚鵡洲與君醉百場

歷徧勝遊翻悵望日邊回首遠煙蒼

八水三川路渺茫翠微深處白雲鄉目瞢懶拭如松液
領髮頻抓似栗房林壑不嫌無用物形骸難入少年場
綠苔躡蔓知多少千里歸來屐齒蒼

獨步至洛濱二首

拜表歸來抵寺居解鞍縱馬罷傳呼紫衣金帶盡脫去
便是林間一野夫

草軟波清沙徑微手攜筇竹著深衣白鷗不信忘機久
見我猶穿岸柳飛

送酒與邵堯夫

紅櫻零落杏花開春物相催次第來莫作林間獨醒客
任從花笑玉山頽

再和邵堯夫年老逢春

年老逢春猶解狂行歌南陌上東岡晴雲高鳥各自得
白日遊絲相與長草色無情盡眼綠花林多思襲人香
吾儕幸免簪裾累痛飲閑吟樂未央

傳家集卷十 律詩五

三

又和來韻

年老逢春無用驚對花弄筆眼猶明不嫌貧舍舊來驚
喚起醉眠何處鶯一僕相隨巾幅出羣童聚看小車行
人間萬事都捐去莫遣胸中氣不平

邵堯夫許來石閣久待不至

淡日濃雲合復開碧嵩清洛遠縈迴林端高閣望已久
花外小車猶未來

石閣春望

極目千里外川原繡畫新方知平地上見不盡青春
和邵堯夫安樂窩中職事吟

靈臺無事日休休安樂由來不外求細雨寒風宜獨坐

暖天佳景即閑遊，松篁亦足開青眼。桃李何妨插白頭，我以著書為職業。為君偷暇上高樓。

和范景仁聞蟬

春林滿巖綠，誰信已鳴蟬。葉上正多露，山中別有天。心閑寧感物，道合況忘年。坐聽生秋思，何須膝上絃。

和范景仁宿憩鶴寺

回廊複閣勢縈紆，四嶺中涵一氣虛。最愛欣欣向榮木，每來相見不相疎。

遊噴玉潭二首

其日大風

驚風動地起，遊客望山行。若待佳辰去，應無好事名。萬木吼穹谷，駑駘屹不前。猶勝望塵客，佇立九衢邊。

和范景仁

傳家集卷十

律詩五

四

昨朝景氣如暑天，僮僕流汗衣裘單。安知向曉暴風作，一變陽春成大寒。此時結友尋名山，山伶俦徒步水石間。棘刺罨衣行路難，枯藤壽柏同攀援。驚沙擊眼百箭攢，時得閉爍窺林巒。景仁年長力更孱，牽衣執手幸不顛。仍聞旁谷有伏虎，賴得與君俱早還。

遊山呈范景仁

景仁年六十三致仕

我祿多龔舍

舍為吏不過六石，輒自免去。

君年少孔殽

殽七十致仕，韓愈留之。

道心閑始見世路老，方知山水不相厭。風光難豫期嬉遊，不可緩花卉即離披。

和范景仁遊壽安

宜陽城下作遊人都為衣冠不繫身衆竅怒號成地籟
也勝終日在紅塵

噴玉潭

千尺崖頭一派清古今不絕墜崢嶸長風卷起散巖壑
此日方知噴玉名

疊石溪二首

道傍行采藥石底卧題名

溪邊有石橫出下甚隘景仁卧其下題名而去

野老

相迎拜谿童乍見驚

山鳥勸人飲

山多提壺鳥

山蟬笑我狂

山蟬聲如笑歸時興未盡

不得看斜陽

和范景仁疊石溪

傳家集卷十律詩五

五

谿邊有村落未始識紛華去縣只數里居民踰百家山
腰荒徑轉谷口翠微遮老木紛無際重巒浩莫涯力窮
纔到頂勢盡復成窪不定雲煙色難名藥草芽泥鈞羅
比屋澗石載連車谷口多麓窟土人自女几澗采石載來賣之爲油宛有淳風
在誰云太古遐梁隨木性曲簷逐地形斜榛路牛呼犢
叢祠雀噪蛇倚崖松偃蓋落石浪翻花安用遊青嶠何
須躡紫霞好將詩筆寫還入帝城誇已買漁樵舍母令
後約差

應天院朝拜回呈景仁

雞鳴上馬過河橋何異東都赴早朝紅日已高猶熟寢
比君殊未得逍遙

和景仁卜居許下

景仁頃見許居洛今而背之故詩中頗致其怨

壯齒相知約歲寒，索居今日鬢俱班。
拂衣已解虞卿印，築室何須謝傅山。
許下田園雖有素，洛中花卉足供閑。
佗年決意歸何處，便見交情厚薄間。

喜雨三首呈景仁侍郎兼獻大尹宣徽

累日增煩暑，通宵結薄陰。
蒼忙變風色，散漫作春霖。
野店垂楊重，僧房綠篠深。
疎慵尤得趣，閉戶擁重衾。
漠漠春雲合，熅熅早氣收。
人心方有望，時雨不須求。
豈獨老農喜，仍令惡客留。
洛城花未謝，作意更同遊。
麥田正塵傘，桑徑忽滂沱。
比屋起相告，荷鋤行且歌。
園林半局鎖，車馬絕經過。
大尹愛民物，何妨喜更多。

傳家集卷十

律詩五

六

亨祀下第作詩示之

清白君家舊文章，時態新何妨踉蹌。
跌未必遂沈淪，莫歎科名晚。
惟憂道誼貧，進脩專在已。
得失盡由人，孝友亦爲政。
簞瓢足養親，那將少年淚，容易輒傷春。

景仁思歸雨未克行以詩留之

嘉客念歸程，泥深未可行。
今朝陰又重，春雨亦多情。
送景仁至丁正臣園寄主人

和君貺老君廟姚黃牡丹

客到暫開扁，春蕪生滿庭。
主人殊不顧，修竹爲誰青。
芳菲觸目已蕭然，獨著金衣奉老仙。
若占上春先秀發，千花百卉不成妍。

又和董氏東園檜屏石牀

密葉蕭森翠幕紆
暫來猶恨不長居
脫冠解帶坐終日
花落石牀春自如

奉同運使陳殿丞

知儉字公與

惜洛陽牡丹為霜風

所損

名花多種欲紛敷
一夕霜風非所虞
節物偶然何足道
人情遺恨不能無
飄飄健筆詩千首
惆悵東風酒百壺
縱使前春滿朱檻
使車那復滯西都

又和惜春謠

朝來風雨歇春意
漠然收去我不辭
訣憑誰能借留杓
星漸西轉洛水自
東流曲渚撤華幄
芳園罷彩球雉鳴

傳家集卷十

律詩五

七

邱麥秀蠶起野桑
柔亂絮天涯滿晴
陽草際浮已嗟心
緒減况復鬢絲稠
賴聽新翻曲非為
負勝遊

劉伯壽坐中度曲命

曰惜春謠

還陳殿丞原人論

宗密所撰破自然破元氣破天命明佛性

品物芸芸遊太虛
不知誰氏宰洪爐
一株花落分榮辱
萬竅風號見有無
覺後共占猶是夢
衣中所得亦非珠
何如鼓瑟浴泥水
春服成時詠舞雩

和王秀才

虞仲字道齋

以光始自陝右遊山歸復將

登少室為詩見寄

瘦馬飄飄屢往還
疲勞專為訪名山
須知筋力行將老
漸恐峯巒不可攀
蠟屐早能尋勝槩
彈冠悔更落塵寰

幸依賢者為東道大得逍遙水石間

和景仁西湖泛舟

滿船歌吹拂春灣天外晴霞水底斑誰信飛觴臨綺席
獨能回首望青山東門車馬匆匆別西洛風煙寂寂閑
疊石溪頭應更好却輸野叟坐林間

新買疊石溪莊再用前韻招景仁

一溪清水珮聲寒兩岸莓苔錦繡斑三徑誰來卜鄰舍
千峯我已作家山鹿裘梨杖偏宜老紫陌紅塵不稱閑
早挈琴書遠相就放歌爛醉白雲間

貽夸者

我樂非君樂君憂非我憂蓬蒿與溟渤終老不同遊

春遊

傳家集卷十一 律詩五

八

人物競紛華驪駒逐鈿車此時松與柏不及道傍花

和潞公遊天章楚諫議園宅

名卿新治第上宰舊連墻槐蔭青青葉星鄰兩兩光林
花裂錦狹門路築沙長共引庭間水交生壁外篁魚窺
薦琴石螢散讀書牀玉帳方懷遠松齋欲就荒旌幢今
少憩蘭蕙不徒芳早晚平狼望回來舉壽觴

還張景昱景昌秀才兄弟詩卷

鞞鞞新詩卷青春映棟華機雲今繼美載協舊承家幸
託仁人里時回長者車白虹光亂眼何敢議瑜瑕

和宇文公南塗中見寄

驄馬烏紗遊洛塵未能全得自由身深慙白首戀微祿
不向青山爲散人斥鷃卑飛聊取適冥鴻高舉益難親
蜀都迢遞千餘里徒誦新詩妙入神

酬張二十五秀才

景昱字明叔

南園遣意

花卉日相續朝昏興寄新露荷香入坐風竹淨無塵嘯
詠皆羣從喧囂遠四鄰須知軒冕客富貴不關身

酬張三十秀才

景昌字子京

見贈

樸學居人後清塗忝衆先瓠因無用棄木爲不材全比
得林泉趣仍依邑里賢自慙頭半白方解賦歸田

八月十五日夜陪留守宣徽登西樓值雨待月

久不見

傳家集卷十 律詩五

九

經歲待佳節無如陰靄何果然時雨足安用月華多未
見銀缸進空聞玉漏過庾公興不淺久爲駐鳴珂

秋雨新霽遊水北馬上偶成

秋色與秋聲蕭然滿洛成未霜林葉赤新雨野風清水
氣侵肌冷嵐光刮眼明誰云景如畫但恐畫難成

運使虞部按行洛西諸縣因遊所過名山有詩

百餘首合爲一編蒙賜寵示俾之繼作一首

屬城窮僻地攬轡徧周流弊政已更化名山不廢遊鳴
騶留谷口輕屐歷巖幽聚看官儀者相扶半白頭

和君貺暮秋四日登石家寺閣晚泛洛舟二首

嬉遊乘曉霽登覽犯秋寒不出埃塵外安知天壤寬宮

前斷山碧林表落霞丹欲下惜佳趣相留更倚闌

右登閣

葉下宮槐老雲飛洛浦秋復陪元禮棹却望仲宣樓曲
岸迷頻轉遙山碎不流夷猶聊寓賞浩蕩得忘憂晨出
露漸徑昏歸月滿舟星河散寥廓珠貝映汀洲林館回
車入壺觴秉燭遊山公興未盡徒御且番休

右泛舟

又和六日四老會

萸房迎令節菊藥入芳筵華燭初長夜清霜未冷天悲
風咽橫吹驟雨送繁絃聊附鄒枝客敢希園綺賢

和王少卿

尚恭字汝之

十日與留臺國子監崇福宮

諸官赴王尹賞菊之會

儒衣武弁聚華軒盡是西都冷落官莫歎黃花過佳節

傳家集卷十

律詩五

十

且將素髮共清歡紅牙板急絃聲咽白玉舟橫酒量寬
青眼主公情不薄一如省闈要人看

和白都官

序見贈

齒疎鬢白兩眸昏萬事無堪老病身脫粟猶霑太倉祿
法官仍忝外臺臣直緣迂僻求閑地豈是孤高慕古人
英俊滿朝皆稷契太山何必一飛塵

酬邵堯夫見示安樂窩中打乖吟

安樂窩中自在身猶嫌名字落紅塵醉吟終日不知老
經史滿堂誰道貧長掩柴荆避寒暑只將花卉記冬春
料非空處打乖客乃是清朝避世人

和邠守宋度支

迪

來卜居與南園爲鄰

弱冠交遊鬢髮蒼飽諳官况好深藏閑居共買一壠地
盡老常依數仞墻雖喜卜鄰同晏子尚慙推宅異周郎
何時稅此憑熊駕倚杖相迎立路傍

和張文裕初寒十首

何處初寒好初寒郊鄆城垂紳多俊彥列第盡公卿裘
馬過從盛門闌灑掃清誰家擁獸炭盡日管絃聲
何處初寒好初寒洛汭宮翠華雖脈脈佳氣自蔥蔥關
角月華白苑墻霜葉紅都人心望幸注目不離東

何處初寒好初寒洛水橋沙痕水清淺風葉柳蕭條關
塞長塗直嵩邱倒影遙鳳樓雖在北車馬不塵囂

何處初寒好初寒太室山晴空煙澹泊返照雪孱顏極

傳家集卷十 律詩五

十一

目鴈沒無心雲自還猶餘拜表累不得坐松間嵩山去洛

近二百里五日僅能往
遙以妨拜表未果往

何處初寒好初寒禹鑿門遙天露崖口輕浪漱山根萬
佛龕苔老一燈林霽昏漁杳相望石瀨夜聲喧

何處初寒好初寒噴玉泉折冰流谷口飛溜落雲邊雀
噪聚林杪樵歌下石巔尋幽不思返坐嘯夕陽偏

何處初寒好初寒疊石溪山斜改昏曉路曲失東西拾
粟走村稚鑿垣巢乳雞我來閑擁褐曝背草簷低

何處初寒好初寒肅政臺官閑免簿領門靜少塵埃天
借風霜氣人無鷹隼猜庭荒餘老柏尚有夕鳥來

何處初寒好初寒遊奕園林間葉未盡籬底菊猶存結

竹爲蒼小開爐構火温誰言處城市岑寂似邱樊

何處初寒好初寒福善居長宵對燈火滿室聚詩書暫
息登山屐休脂下澤車所安容膝地何必更多餘

遊弈福善

名皆坊

和君貺少林寺

達摩自云傳佛心緒言迷世到于今既攜隻履歸西域
安得遺靈在少林孤月正明高殿冷清風不斷老松深
謝公自愛山泉美肯爲幽禪此訪尋

又和嶽祠謝雪題嶽寺

平法華菴

宴坐幾何年庭蕪與砌連焚修真諦苦功行得無圓闕
里詩三百賴鄉文五千厭煩猶不讀何況淤泥蓮

平住菴不

傳家集卷十律詩五

十一

出近四十年日誦法華經數十卷

望日示康廣宏

清晨三綠袍羅拜北堂高積善因先烈餘光及爾曹勿
矜從事早當念起家勞修立皆由已何人可佩刀

和君貺題潞公東莊

嵩峯遠疊千重雪伊浦低臨一片天百頃平泉連別館
兩行疎柳拂清泉國須柱石扶丕構人待樓航濟巨川
蕭相方如左右手且於窮僻置閑田

和君貺任少師園賞梅二首

寒壓春頭草未芽喜聞置酒賞新葩官儀赫奕三川守
野意蕭疎四皓家不用管絃妨淡泊豈容桃李競繁華

昏鴉散亂傳呼出歸路林間燭影斜

風日雖寒晝景長探春遠訪白蓮莊岸冰猶在水先綠
柳葉未生條已黃老木根侵苔徑窄新梅花入酒卮香
天真不必人修飾得趣勿嫌臺館荒

又和開叔

寒梅犯雪榮大隱久專名異種生江渚何年到洛城

洛中雖有梅開花常晚獨大隱梅最先開相傳好事者自江南移來今數十年矣色如虛室白雪

似主人清嚮使吳兒見不思菰菜羹

和公廩喜雪

用莊字韻

歸來河洛久愆陽禱祀徒勞聲蕭莊林雪飛花欣暫白
麥田濡葉未全黃城中稍覺桑新貴村外時聞社甕香

傳家集卷十律詩五

七

八使孜孜憫惇獨斯民那復畏凶荒

和史誠之謝送張明叔梅臺三種梅花

別後相驚兩鬢霜可憐梅蕊爲誰芳臺頭日暖分三色
林下風清共一香正爛漫時遊不足忽離披去樂難常
慙慙手折遙相贈不欲花前獨舉觴

早春寄景仁二首

辛夷花爛開故人殊未來愁看柳漸綠忍更折殘梅

去歲

景仁約辛夷花開即來洛中芍藥謝乃去

疊石溪上春茅茨卜築新前言如不踐山蟬又笑人

和君貺宴張氏梅臺

京洛春何早憑高種嶺梅紛披百株密爛漫一朝開青

女工黏綴霜娥巧翦裁崑山雲滿谷蓬渚浪成堆勢擁
樽前合香從席下來蜺旌班天起練甲洗兵回不使光
風散曾無夜色催人稠衣馥郁地狹舞徘徊民服召公
化時推何遜才

何遜有
早梅詩淹留文酒樂壁月上瑤臺

看花四絕句

洛陽相望盡名園牆外花勝牆裏看手摘青梅共按酒
何須一一具杯盤

洛陽相識盡名流騎馬遊勝下馬遊乘興東西無不到
但逢青眼即淹留

洛陽春日最繁華紅綠陰中十萬家誰道羣花如錦繡
人將錦繡學羣花

傳家集卷十 律詩五

十四

南園桃李近方栽澆水未乾花已開山果野蔬隨分有
交遊不厭但頻來

留別友生

野際共爲別客亭芳草新何心更執酒滿目盡傷春今
古無窮路東西相背塵行行復回首不欲著鞭頻

二月六日初見待漏房前柳色微綠欣然成詠
宮城映出絲絲綠頓覺皇州春意迴從此不辭驅瘦馬
六街終日踏塵埃

垂柳

天意清和二月初春風不動整如梳陶潛宅外時無此
想更蕭條不易居

閑居

故人通貴絕相過門外真堪置雀羅我已幽慵僮更懶
兩來春草一番多

中秋陪張龍圖讌射堂初夕陰雲酒行頓解喜
而成詠

飛蓋共徘徊西園高宴開秋雲惜明月留待庾公來

貽宋四行簡

油

離羣知幾辰屈指十青春不意輪蹄跡共茲京洛塵文
場投漆契客路轉蓬身別易相逢闊過從莫厭頻

和國子夏主簿

有章李花

儒宮岑寂覺春閑仙李繁花重壓欄碎錦不飛蒙樹合

傳家集卷十

律詩五

五

素雲歆亞舉枝難能詩此日當推謝捧賜他年足繼桓
更約雕盤薦秋實豈徒穠豔一朝看

司馬文正公傳家集卷第十

蘇州府學教授浦起龍校字

